

Lingua greca antica

Dâ Wikipedia, la nciclipidia libbira.

Lu **Grecu anticu** ('n greco anticu ἡ ἑλληνική διάλεκτος) è lu nomu di la famigghia di linguì parrati 'n Grecia, di lu 1100 a.C. a lu 600 a.C. Lu sò alfabetu è lu patri d'ogni l'alfabetu di li linguì rumanzi. Lu greco anticu è nu stadiu stòricu di lu prucessu evolutivu di la lingua greca.

Storia

Lu greco anticu veni doppu di lu Micineu (II millenniu a.C.) e prima di lu greco ellinisticu, annincatu comu *Koiné* o greco bibblicu, d'unni appui addiveni lu greco bizzantinu.

Lu greco anticu hà statu una di li linguì cchiù mpurtanti nti la storia di la cultura di l'umanitati: hà statu la lingua di Omeru e hà statu la lingua di li primi filòsufi e scrittori di l'Uccidenti.

Palori di lu greco anticu foru addupirati di li rumani e tràmiti chisti agghicaru nzinu a li nostri jorna. La Numinclatura binuminali, ccu tuttu ca era diciuta in latinu, pigghia assai cosi di lu vucabbulariu di lu greco anticu. Assai palori, comu "dimucrazzìa", nasceru nti la Grecia antica e agghicaru a li jorna nostri.

Lu greco antica era, comu lu greco mudernu ca è la sò naturali evuluzzioni, na lingua indueuropea li cui uriggini sunnu ancora oi difficili d'allustrari: li diversi tipuluggi di li linguì grechi ca vinianu parrati nti la Grecia, avianu na cumuni ràdica ca li linguisti annincaru comu "Protugrecu", ca cc'era prima di la migrazzioni dòrica nti l'area balcànica. Jiri a rintrazzari nu pricidenti antinatu arrisurta, ppi causa di la mancanza di testi scrivuti, assai arduu, ma pari putiri cunzidirari na stritta cumunioni di ràdichi di lu greco anticu ccu la lingua armena, parrannu accussì di prugginituri cumuni annincatu "greco-armenu".

Si pò pinzari ca lu protugrecu avissi pirdutu la sò unitati linguistica a lu tempu di la migrazzioni dòrica, 'n sècutu a cui, nti nu piriudu ntra lu XIII sèculu a.C. e lu XI sèculu a.C., cci fu nu sviluppu d'assai varianti di lu greco anticu, arricurdati comu "dialetti grechi". Li primi attistazzioni di lu greco anticu sunnu di lu VIII sèculu a.C. ccu lu sviluppu di nu difinitivu alfabetu.

La pirduta di l'unitati linguistica porta a lu sviluppu di diversi varianti di greco ca currispunni a la spartuta di lu pòpulu greco anticu: Dòrichi, Eòlichì e Iònichi, ugnunu ccu nu sò dialettu, ccu carattiristichi particolari, ma tantu simigghianti ca si ponnu capiri ntra d'iddi.

Ancora oi lu greco anticu è studiatu nti cirtiduni scoli sicunnarii uccidintali, anzèmmula a lu latinu: asempii sunnu lu *Liceo Classico* 'n Italia, l' *Humanistisches Gymnasium* nti la Girmania e li *Grammar Schools* nti lu Regnu Unitu. 'N Italia 'n particolari, veni studiatu di lu 8-9 % di l'alunni di li scoli suprajuri (tutti chiddi ca sunnu scrivuti nti li *licei classici*), la purziuni cchiù àuta ntra li paesi uccidintali. Sempri anzèmmula a lu latinu, lu greco anticu è materia di studiu nti l'Univirsitati, nti li facultati di Littri Clàssichi.

Grecu anticu	
Fu parratu 'n:	Grecia, Sicilia, Magna Grecia, Roma antica, Macedonia, Cipru, Albania, Bulgaria, Turchia, Crita, Palistina, Cirinàica e nti tutti l'àutri zoni unni li Grechi àppiru putiri e pristìggiu
Classifica:	-
Famigghi linguistichi:	Linguì indoeuropei <div>Grechi</div>
Classificazzioni	
ISO 639-1	-
ISO 639-2	grc
SIL	GRC

Alfabbetu grecu

L'alfabbetu grecu è furmatu di 24 littri:

Nomu	Majuscula	Minùscula
alfa	A	α
beta	B	β
gamma	Γ	γ
delta	Δ	δ
epsilon	E	ε
zeta	Z	ζ
eta	H	η
theta	Θ	θ
iota	I	ι
kappa	K	κ
lambda	Λ	λ
my	M	μ
ny	N	ν
csi	Ξ	ξ
omicron	O	ο
pi	Π	π
ro	P	ρ
sigma	Σ	σ (ς a la fini di na palora)
tau	T	τ
ypsilon	Υ	υ
phi	Φ	φ
chi	Χ	χ
psi	Ψ	ψ
omega	Ω	ω

ΟΔΥΣΣΕΙΑ

Ἄνδρα μοι ἔννεπε, Μοῦσα, πολύτροπον, ὃς μάλα πολλὰ
πλάγχθη, ἐπεὶ Τροίης ἱερὸν πτολίεθρον ἔπερσε·
πολλῶν δ' ἀνθρώπων ἴδεν ἄστεα καὶ νόον ἔγνω,
πολλὰ δ' ὃ γ' ἐν πόντῳ πάθεν ἄλγεα ὃν κατὰ θυμόν,
ἀρνύμενος ἥν τε ψυχὴν καὶ νόστον ἐταίρων.
ἀλλ' οὐδ' ὣς ἐτάρους ἐρρύσατο, ἰέμενός περ·
αὐτῶν γὰρ σφετέρῃσιν ἀτασθαλίῃσιν ὄλοντο,
νήπιοι, οἳ κατὰ βοῦς Ἑρπίονος Ἥελίοιο
ἤσθιον· αὐτὰρ ὁ τοῖσιν ἀφείλετο νόστιμον ἦμαρ.

L'incipit di l'Udissea nti la lingua greca antica

Estrattu di "https://scn.wikipedia.org/w/index.php?title=Lingua_greca_antica&oldid=667383"

Sta pàggina fu canciata a 07:30 di lu 10 mar 2013.

Stu testu è dispunìbbili sutta â [Licenza Creative Commons Attribuzzioni/Spartuta dâ stissa manera](#); si ponnu applicari àutri cunnizzioni. Talìa li [Cunnizzioni d'Usu](#) pi li dittaghî.